



**Vakansie-  
program in  
'n boks !**

## Wat jy gaan benodig:

	<b>KLEUTERS</b>
<b>DAG 1 RESPEK</b>	<b>BAK-EN-BROU</b> <ul style="list-style-type: none"><li>- Gemmerkoek manne (of by tuisbaksters of Fournos)</li><li>- 'n Sakkie met 'n paar eetlepels versiersuiker.</li><li>- 'n Aparte sakkie met lekkergoed. Ek dink Jelly tots, mini m&amp;m's of smarties sal goed werk.</li></ul>
<b>DAG 2 LOJALITEIT</b>	<b>VERKYKER</b> <ul style="list-style-type: none"><li>- Buisie bostik (vir die week)</li><li>- <b>Uitdeeltuk 1:</b> Prent van Josef op wit papier. Ek gaan drie op 'n bladsy kan pas. Dus sal dit gesny moet word.</li><li>- 1x Stukkie lint/tou/wol(dit moet lank genoeg wees sodat jou verkyker om jou nek kan gaan)</li></ul>
<b>DAG 3 DANKBAARHEID</b>	<b>TRONK-SEL</b> <ul style="list-style-type: none"><li>- <b>Uitdeeltuk 2:</b> Prente van Josef, skinker &amp; bakker</li><li>- 10 craft stokkies (amper soos roomysstokkies)</li><li>- Twee balonne</li></ul>
<b>DAG 4 VERSTANDIGHEID</b>	<b>KOEI MASKER</b> <ul style="list-style-type: none"><li>- 1x Papierbord</li><li>- 1x A4 pienk papier</li><li>- Stukkie lint/tou/wol (genoeg om kleuter se kop te gaan)</li></ul>
<b>DAG 5 SELFBEHEERSING</b>	<b>GRAAN SAK</b> <ul style="list-style-type: none"><li>- <b>Uitdeeltuk 3:</b> Graansak</li><li>- Bostik</li><li>- Springmielies</li><li>- bruin-papiersakkie</li><li>- sjokolade munt</li></ul>

## DAG 1 - KLEUTERS

### TEMA: RESPEK (GENESIS 37:18-26)

#### HANDWERK/CRAFT VIR DIE DAG: BAK-EN-BROU

##### Wat jy gaan benodig:

- 1 x Gemmerkoek Josef-mannetjie
- 1 x sakkie versiersuiker
- 1 x sakkie lekkers

##### Maak bymekaar in die huis:

- Bordjie om jou gemmerkoek mannetjie op te versier
- 'n Bakkie, lepel en 'n klein, klein bietjie water
- Lappie vir daardie taai vingers

##### Wat gaan ons maak?

1. Gooi die versiersuiker in 'n bakkie en voeg 'n klein bietjie water by die versiersuiker en meng dit goed. Die aangemaakte versiersuiker moet lekker dik wees.\*
2. Gee vir die Gemmerkoek Josef-mannetjie 'n veelkleurige jas deur die lekkergoed met die versiersuiker op die mannetjie te plak.
3. Deel jou gemmerkoek Josef-mannetjie met iemand in jou huis en vertel vir hulle van Josef se boeties wat hom as 'n slaaf verkoop het omdat hulle jaloers was op hom.

\*Jy kan die versiersuiker met grondboontjie-botter of Nutella vervang.

# Dag 1 Speletjie: **RESPEK**

## Wat benodig julle?

Kouse opgerol, of waslappies

## Hoe werk dit?

Plaas kouse of waslappies op verskillende plekke in 'n vertrek of buite in die erf. Speel musiek en laat die deelnemers beweeg in 'n sirkel. Wanneer die musiek stop moet elkeen hardloop vir 1 kous of waslap. As jy een gekry het is jy veilig.

Die persoon wat die musiek speel vat elke keer 1 kous of waslap weg. So val daar elke keer een weg tot net 1 persoon oorbly. Die een wat wen, is die volgende een wat die musiek speel en die kouse/waslap op 'n plek gaan plaas.

As iemand klaar 'n kous of waslap gevat het, mag ek dit nie by hulle gryp nie. Ons respekteer mekaar ook in die manier hoe ons saam speel.

## DAG 2 - KLEUTERS

### TEMA: LOJALITEIT (GENESIS 39:6-18)

#### **HANDWERK/CRAFT VIR DIE DAG: VERKYKERS**

##### Wat jy gaan benodig:

- 1 x buisie bostik gom (ons gaan dit later in die week weer gebruik)
- 1 x prentjie van Josef
- 1x Stukkie lint/tou/wol(dit moet lank genoeg wees sodat jou verkyker om jou nek kan gaan)

##### Maak bymekaar in die huis:

- Twee leë toiletrolle
- Inkleurkryte
- Gaatjiepons

##### Wat gaan ons maak?

1. Kleur die prentjie van Josef in.
2. Plak die twee toiletrolle aan mekaar vas om 'n verkyker te maak.
3. Plak nou die prentjie van Josef om die verkyker.
4. Maak twee gaatjies aan die weerskante op die punte van die verkyker en maak met die lint/tou/wol vir jou verkyker 'n band.
5. Dra jou verkyker om jou nek en kyk deur hom of jy kan sien wanneer iemand in jou huis getrou/lojaal is.

## **DAG 2 se speletjie: LOJALITEIT**

**(‘n Ander woord vir lojaliteit is *staatmaak*)**

### **Wat benodig julle?**

Iets waarmee iemand geblinddoek kan word.

### **Hoe werk dit?**

Maak beurte wie geblinddoek word. Laat die persoon wat geblinddoek is iets in die vertrek soek. Die persone wat nie geblinddoek is nie moet die geblinddoekte persoon met woorde begelei om die item te vind en seker te maak die persoon loop nie in iets vas nie.

Ons kan ook op mekaar in ons huise staatmaak om ons te help. Dit is deel van wat dit beteken om lojaal aan mekaar te wees.

**Josef was getrou gewees!**



**Genesis 39:6-18**

---

**Josef was getrou gewees!**



**Genesis 39:6-18**

---

**Josef was getrou gewees!**



**Genesis 39:6-18**

## DAAG 3 - KLEUTERS

### TEMA: DANKBAARHEID (GENESIS 40:23 EN GENESIS 41:9-13)

#### **HANDWERK/CRAFT VIR DIE DAG: JOSEF, DIE BAKKER EN DIE SKINKER**

##### Wat jy gaan genodig:

1 x buisie bostik gom

1 x prentjie van Josef, die bakker en die skinker  
(Uitdeelstuk 2)

10 x Craft stokkies

##### Maak bymekaar in die huis:

- Inkleurkryte
- Skêr

##### Wat gaan ons maak?

1. Kleur die prentjies van Josef, die bakker en die skinker in. Sny die figure uit en plak elkeen van die figure op 'n stokkie.
2. Sit 'n bietjie bostik op beide punte van vier van die stokkies en plak die punte aanmekaar om 'n vierkant te vorm. Sit nou 'n bietjie gom op beide kante van nog drie van die stokkies en plak dit eweredig oor die vier kant om die tralies van die tronksel te vorm. Wanneer die gom droom is kan die tronksel bo-oor Josef, die bakker en die skinker gesit word.
3. Vertel weer die verhaal van hoe Josef in die tronk die skinker en bakker se drome uitgelê het. En hoe die skinker van Josef vergeet wanneer sy droom waar word. Terwyl die verhaal vertel word kan die skinker en bakker uit die tronksel uitgehaal word.



## **Dag 3 speletjie: *DANKBAARHEID***

### **Wat benodig julle?**

2 ballonne in jou boks

### **Hoe werk dit?**

Blaas die ballon of ballonne op. Probeer dit in die lug hou. Jy mag wel net die balloon slaan om in die lug te bly as jy iets kan noem waarvoor jy dankbaar is. Kyk hoe lank kan julle die ballon/ballonne in die lug hou sonder om iets te herhaal wat iemand al gesê het.

Ons moet mekaar herinner om uit dankbaarheid te leef en dinge te kan raaksien waarvoor ons dankbaar is.



## DAG 4 - KLEUTERS

### TEMA: VERSTANDIGHEID (GENESIS 41:25-41)

#### **HANDWERK/CRAFT VIR DIE DAG: KOEI MASKER**

#### **Wat jy gaan benodig:**

1 x buisie bostik gom

1 x wit papierbord

1 x A4 pienk papier

Stukkie lint/tou/wol (genoeg om kleuter se kop te gaan)

#### **Maak bymekaar in die huis:**

- Inkleurkryte
- Skêr
- Gaatjiepons

#### **Wat gaan ons maak?**

1. Teken swart of bruin kolle op die papierbord.
2. Sny ovaal-vorm (vir die snoet) en twee ore uit die pienk paper.
3. Plak die snoet en ore op die papierbord.
4. Teken twee oë en sny hulle uit sodat die kleuter daardeur kan kyk.
5. Pons gaatjies aan die weerskante van die papierbord, ryg die lint/tou/wol deur die gaatjies sodat dit om die kleuter se kop vasgemaak kan word.

Trek jou masker aan en sê moooo!

## Dag 4 speletjie: **VERSTANDIGHEID**


### Wat benodig julle?

Kry 5 kosblikhouers  
Een vrug, een groente, een lekker,  
een eier.

### Hoe werk dit?

Plaas elke item onder die houer sonder dat die deelnemers dit kan sien. Een houer moet niks onder hê nie. Plaas die houers voor die deelnemers neer. Elkeen kry 'n kans om te raai wat onder die houer is. Die een wat reg raai kry dit wat onder die houer is.

Die besluite en keuses wat ons maak is belangrik. Soms maak ons in ons alledaagse lewe keuses sonder om mooi daarvoor te dink en is dit nie altyd met verstandigheid geneem nie.



GR 4-6 Uitdeelstuk 2

## DAG 5 - KLEUTERS

### TEMA: SELFBEHEERSING (GENESIS 42:1-26)

#### **HANDWERK/CRAFT VIR DIE DAG: GRAAN-SAK**

#### **Wat jy gaan benodig:**

- 1 x Uitdeelstuk 3
- 1 x buisie bostik gom
- 1 x bruinpapiersakkie springmielies

#### **Maak bymekaar in die huis:**

- Inkleurkryte
- Skêr

#### **Wat gaan ons maak?**

1. Terwyl julle weer die verhaal vertel maak die bruinpapiersakkie oop.
2. Terwyl jy jou munt eet, kleur nou die prentjie in. Jy kan die prentjie uitsny as jy wil.
3. Smeer gom op die opening van die sak en plak van die springmielies daarop (moenie al die springmielies gebruik nie).
4. Spring die res van die springmielies en deel dit met iemand in jou huis.

## Dag 5 speletjie: **SELFBEHEERSING**

### Wat benodig julle?

Niks. Of dalk 'n selfoon om op YouTube videos te kyk.

### Hoe werk dit?

Laat al die deelnemers saam sit. Vertel vir mekaar iets snaaks. Of kyk na 'n paar snaakse videos op YouTube saam. Die uitdaging is dat julle mag nie vir mekaar lag nie en jul lippe moet heelyd oor julle tande getrek wees. Niemand mag nie jou tande sien nie. Anders verloor jy.

Selfbeheersing kan nogals moeilik wees! Maar dit is 'n waarde wat belangrik is om van kleins af te kan inoefen.

Josef sorg mooi vir sy boeties

